

EW NOMOPUNG

A EKKESIWININ ITENAP 5 NON EWE TRUK DISTRICT CODE REN AN EPWE FORATA SAKKUN ANNUNUKUN TUFICHIN AN EMON EPWE WIIS IKA CHOONI EKKEWE BOARDS ME COMMISSIONS MEI FORUTA ME REN LEGISLATURE.

EPWE PUNG ME REN EWE TRUK DISTRICT LEGISLATURE PWE:

Tetten 1. Ekkesiwin. Itenap 5 non ewe Truk District Code iei a ekkesiwin ren an epwe pwan kapacheta ew sopun, epwe iei usun kapasa:

"Sopun 8

SAKKUN TIFICH REN WIWIIS WOON BOARDS ME COMMITSSIONS

Tetten

171. Aweween Kapas

172. Sakkun Tufich

Tetten 171. Aweween Kapas. Ren fan asengesin ei Sopun, "boards me commissions," mei kapachenong ekkewe sakkun boards, commissions, authorities, councils me pwan sakkopaten mwich mei forata me ren annukun Truk District Legislature, me nukun ekkewe committees an Legislature.


Tetten 172. Sakkun Tufichin Wiis ika Chooni.

(1) Esap wor emon epwe tufichin an epwe chooni ika wiis woon nap-seni ruu board ika commission non chok ew fansoun.


(2) Esap wor emon epwe tongeni chooni ika wiis woon nap-seni ew board ika commission non chok ew fansoun, ika i mei pwan wiis ika chooni ew ekkewe board ika commission, mei foruta seni annukun Muun Trust Territory, Executive Order, ika Administrative Orders.

Tetten 2. Poputan Pochokunan. Ei Nomopung, epwe poputa pochokunan fansoun chok an a kapungunno me ren ewe Kepina non Chuuk, ika fansoun chok an pusin winiti annuk inamwo ika ewe Kepina esemwo chiwen apunganno.

Annetata:


Datasy Albert
Legislative Clerk/Secretary
Truk District Legislature


Sain seni:


Koichi Saha, Speaker
Truk District Legislature

Pwinin maram:

7/21/76

A kapungunno seni:


Mitaro S. Danis
District Administrator, Truk

Pwinin maram:

8/17/76